

लहना

व्यवसायिक पत्रकारिता, शैल्या आदर्शकता

LAHANA WEEKLY

वा:पो

सा:गु भिंगु मरिचरिया नितिं
लुमंका दिसैं !

लक्ष्मण गमाल 'चिलिंमि'
प्रोप्राइटर

लाखा छैं
LAKHA CHHEN



सोहखुटे, वडा नं. १६, थैं, फोन नं.: ४३६०७५८

थुकि दुने



ग्रान्डी अस्पताल्य न्हियान्हिथं
मञ्चन जुयाच्चनीगु नाटक
जगतवीर सिं कसा: - २



बालाच: न्हे व लुति अजिमायाथाय
सर्प होम

विराजकाजी राजोपाध्याय - ३



ए डिभिजन लिगया रौनक

प्रजित शाक्य - ६



रिकिस्ना डंगोल, ब्लोअप

यल मनपाया न्ह्य:ने हे सार्वजनिक जग्गा अतिक्रमण मनपा क्षेत्रया सम्पदा संरक्षणय् च्यूता:

लहना संवाददाता

यल महानगरपालिकाया न्ह्य:नेसं च्वंगु सार्वजनिक लैं क्वत्यला का:गु सम्बन्धय् यल जिल्ला अदालत सर्जिमिनलिसैं नाप नक्सा याय्त नापी ज्याकू यलया नामय् आदेश ब्यूगु दु । न्यायाधीश सूर्यप्रसाद पराजुलीया याक: इजलासं उगु आदेश ब्यूगु ख: । यल महानगरपालिका- ३ ख अन्तर्गतया साविकया वडा नं २० ख. किता नं ३२ या क्षेत्रफल १ आना ३ पैसा जग्गाय् दय्कूगु छैं सार्वजनिक जग्गा क्वत्यलाका:गु धइगु मुद्दाया सम्बन्धय् अदालतं थुगु आदेश ब्यूगु ख: । आ: उगु छैंया पश्चिमपाखेया लैं पूर्वक हे पनाफ प:खा: दय्कूगु दु ।

उगु मुद्दाया वादी बुद्धिरत्न शाक्यं सार्वजनिक जग्गा क्वत्यला: दय्कूगु छैं थुना: लैं चाय्केत अदालतयात माग यानाछूगु ख: । लैं पुरा हे पनाब्यूगुलिं यल्य जुइगु मतया:लिसैं उगु क्षेत्र ज:ख:या सांस्कृतिक व सम्पदा संरक्षणय् प्रतिकूल लिच्च: ला:गु नं निवेदनय् धयात:गु दु ।

छैं थुवा: अले प्रतिवादी अजय गुरुङं धा:सा नापीया इलनिसैं हे

भोगचलन यानावयागुलिं सार्वजनिक जग्गा अतिक्रमण मयानागु दाबी अदालतया न्ह्य:ने यानाछूगु ख: । प्रतिवादी गुरुडया निवेदन कथं मालपोत ज्याकुथिं उगु जग्गाया फिल्ड निरीक्षण व ट्रायल चेक या:बलय् ४ आना जग्गा कायम जुया: लालपुर्जा तकं दय्केधुकूगु दु । स्थानीयबासी धा:सा छैं थुवालं मालपोतया अधिकारीतय्त अनुचित प्रभावय् लाका: त:दै न्ह्य: उगु लालपुर्जा दय्केब्यूगु धा:गु दु ।

अदालतया आदेशय् धयात:गु दु 'कि. नं. ३२ या जग्गाय् छैं गबले दय्कूगु ख: ? उगु जग्गाया लम्बाई, चौडाई, क्षेत्रफललिसैंया चार किल्ला व उगु जग्गाय् दुगु भोग व भौतिक संरचना निसैं याना: उगु जग्गाया पश्चिमपाखे सार्वजनिक लैं दुगु मदुगु सम्बन्धय् चाय्का: सार्वजनिक लैं जूसा उगु लैंय् छुं हे भौतिक संरचना (प:खा:) दय्कूगु दु, म्दु ? दुसा उगु संरचना गबले व सुनां दय्कूगु ख: ? व तकं सी दयेका: स्थानीय संधियार तकं तया: मुलुकी देवानी कार्यविधि संहिता, २०७४ या दफा १७७ बमोजिम सर्जिमिनलिसैं नाप नक्सा याय् ।'

अदालतं किता नं ३२ या जग्गाया नक्साप्रिन्ट व ट्रायल चेक तकं



सम्बन्धित नापी ज्याकुथिं भिके याना: मिसिल तकं तय्त नं धा:गु दु । लिसैं उगु किताया क्षेत्रफल संशोधनयाबारे मालपोत ज्याकू यलया २०६९ मंसिर २६ गतेया टिप्पणी आदेश व निर्णयया सक्कल फायल व जग्गाया दर्ता श्रेस्ताया प्रमाणित प्रतिलिपी तकं भिके याना: मिसिलय् तय्त नं अदालतया आदेशय् धयात:गु दु । वादी शाक्यं उगु जग्गाया क्षेत्रफल संशोधन याय्त २०६९ मंसिर २५ गते मालपोत ज्याकू

यलय् निवेदन बियादीगु ख: ।

थ्व सम्बन्धय् अदालतया आदेश कथं प्रक्रिया पूवनेधुंका: सार्वजनिक लैंया संरक्षण याय्गुपाखे वडा ज्याकू जाय्गु ३ वडाया वडाअध्यक्ष श्रीगोपाल महर्जनं धयादिल । 'महानगरपालिका क्षेत्रया गुलिखे सार्वजनिक जग्गा व पुखूत अतिक्रमण जुइधुकल । उकिया संरक्षण याय् हथाय् जुइधुकल ।' नाय: महर्जनं धयादिल ।

काँग्रेस यल सभापतिइ श्रेष्ठ निर्वाचित



काँग्रेस यल जिल्ला सभापति जितेन्द्रकुमार श्रेष्ठ व उपसभापति गजेन्द्र महर्जन

लहना संवाददाता

नेपाली काँग्रेस यल जिल्ला सभापतिइ जितेन्द्रकुमार श्रेष्ठ निर्वाचित जगु दु सा उपसभापतिइ शुदर्शन धिमिरे व गजेन्द्र महर्जन निर्वाचित जुगु दु । उपसभापतिइ निर्वाचित जुयादीमह महर्जन गोदावरी

नगरपालिकाया मेयर न जुयादीमह ख: । अथेहे सचिवय् बशिष्ठ अधिकारी व राजन प्रसाद धिमिरे, सहसचिवय् ऋषिदेव फुयाल व गणेश के.सीपिं निर्वाचित जुगु दु ।

आइतबा: जगु निग्लू चरणया निर्वाचनय् ६६५ मत हया: ल्यं ७ पेज्य



Binod Maharjan
9841369552, 9808644666

बि.आर्ट्स

B. Arts

Nayabazar, Kirtipur
4335491, b.arts4335491@hotmail.com

★ Banner, Flex Board
★ Glow Sign Board
★ Sticker Cutting / Printing
★ Screen/ Rubber Print
★ Self-ink/ Rubber Stamp
★ PVC(ID)/ Visiting Card
★ all kinds of press works



नेवाः राष्ट्रिय म्ये

चमि : दुर्गालाल श्रेष्ठ लय चिनामि : तिर्थ माली

धुन दने धुन सँन्ट्यल भी फुककं हे छम्ह जुइ धुन भीगु लागाय भी स्वयं हे जः जुया धुन लुइ धुन ह्यांगु भुमिइ अष्टमण्डल ह्यांगु चाः दुने थी नगु भीगु नेवाः ध्वाँय थ्व हे खः ज्यान भी सकस्यां छगू जातितय स्वायत्त राज्य लुइ कपं च्वय भिलिमिलिं राष्ट्र भःभः धायक न्ह्याके भीगु चःति भीगु हिं

सम्पादकीय



पार्टीतय अस्वस्थ प्रतिस्पर्धा जनता दुःख जक सी

शौकन्ह्य महाधिवेशनया माहौल दु। एमालेया महाधिवेशन जुल, नेपाली काँग्रेसया महाधिवेशन न्ह्यानाचवन। निगू तःधंगु पार्टीया महाधिवेशनयात दुवाला स्वयंबल्य पार्टी दुनेया आन्तरिक द्वन्द्व ला दुगु हे जुल। एमालेय ओली पक्ष व ओली इतर पक्ष। काँग्रेसय नं देउवा पक्ष व पौडेल पक्ष। निगुलिं पार्टीइ थ्व निगू पक्ष बाहेक मेमेगु पुचःया विषय गौण हे जुल। विशेष यानाः निगू पक्ष दथुइ धेंधें बल्लाः अथवा द्वन्द्व खनेदु। व बाहेक अन्तरपार्टी द्वन्द्व नं दनि। थःगु पक्ष बल्लाकेत, थःगु पक्ष त्याकेत जुइगु कसरतया नापं मेगु पार्टीयात थःगु शक्ति क्यनेगु कथं नं महाधिवेशन जुयाचवन। थुकीयात गुकथं कायगु ? थज्याःगु अस्वस्थ प्रतिस्पर्धा जनतायात दुःख जक बी धइगु करीब प्रमाणित तथ्य हे धाःसां जीधुकल।

एमालें चितवन वनाः महाधिवेश याःवन। चितवनय महाधिवेशन याःवंम्ह ओली फुसा माओवादी भापाय महाधिवेश यानाः कयं धइथें प्रचण्डयात हाथ्या नं बिल। थुकिं नं सीदत कि ओली प्रचण्डयात च्यालेन्ज यायकथं जक चितवनय वनाः महाधिवेशन याःवंगु खः। उकिया नापं, मेगु ल्वःमंकेमज्यूगु पक्ष धइगु माधव नेपाल पक्ष बायाः पार्टी पिहांवनेधुंकाः नेपाल पक्षयात थःगु शक्ति क्यनेगु इगो अले नेपाल पक्षयात आकर्षित यानाः एमालेय हे सालाकायगु उदेश्य नं थुगु महाधिवेशनं काःगु खनेदु। अथेजुयाः नं महाधिवेशनय लखौया ल्याखय कार्यकर्ता अथवा सहभागीता क्यनेगु कुतः जुल, गुकी ओली सफल नं जुल धायमाः। आः एम्बुलेन्स तक हे न्ह्याःवने मफयक भीड मुंगुलिं ओलीया शक्ति प्रदर्शनया कुतः सफल जुल हे धायमाली नि।

महाधिवेशनय ब्वति कायत वा स्वयत् (?) मुंगु व भीड धातें पार्टी कार्यकर्ता हे खः कि ला व जा नयत वःपिनिगु ल्याः अप्वः दु धइगु ला भीसं मस्यूगु खँ जुल। तर सडक पूर्वक ठप्प हे यानाः भीड मुंकेगु आजु ला एमालें दयकगु हे खः। उकिया लिच्वः कथं जिप्रका चितवन महाधिवेशनया दिनय एम्बुलेन्स तक मन्ट्याकेत आदेश जारी याःगु खःसा लिपा सर्वत्र विरोध धुंकाः फत्तले न्ह्याकेमते धइथें इनाप यात। भीड नं मुन। उगु भीड एम्बुलेन्सयात तक हे लँ नं मबिल। विरामी भीडया दथुइ हे थानाः वाथावाथा कनाचवनेमाल। मन् मुंकेत ला सफल जुल तर थज्याःगु स्थिती बांलाःगु सन्देश बिल ला ?

थुलितकक ला जुल, आः काँग्रेस व स्वयां अप्वः मन् मुंकाः क्यनेत स्वइ। नेकपा एकिकृत समाजवादीया माधव नेपाल ला भन ओलीयात क्यनेगु कथं थ्व हे कुतलय भन ज्यानप्राण हे बीत बेर मदु। प्रचण्ड जक थुगु कुतलय छाय ल्यूने लाइ ? जसपां नं थःगु शक्ति प्रदर्शन यायत स्वयफु। थथे जुल धाःसा, थ्व मेगु अतिक बांमलाःगु अले अस्वस्थ प्रतिस्पर्धा जुइ। छगू भीडं थज्याःगु स्थिती खनेदयधुंकाः मेगु पार्टी थुकिं भन पाठ सयकीगु खः वा हानं भीड मुंकेगु प्रतिस्पर्धा यानाः जनतायात भन दुःख हे वीगु खः, स्वय ल्यं दनि।

ग्रान्डी अस्पतालय न्हियान्हिथं मञ्चन जुयाचनीगु नाटक 'ग्राण्डीइ कोरोना जुयाः सीपिनिगु ल्याः शून्य'



जगतवीर सिंह कसाः

देशय कोरोना १९ लवयया महामारी जुयाचंगु ई। कोरोना विरामीया परिवारिपं अक्सिजन, आइसीयू, भेन्टिलेटर मदयाः हेरान जुयाचंगु अवस्था। विरामी छटपटय जुयाचंगु आपत्कालीन विकराल स्थिती ग्राण्डीइ फोन यात। उखें लिसः वल, 'छगू कोठाय भेन्टिलेटरनापं आइसीयूलय छगू जक बेड खाली दु।' फोन याःम्ह मनूया मनय भचा स्वां हवल। छुं भचा आशाया जः खनेदत। हानं न्यन, 'अक्सिजन नापं दुगु एम्बुलेन्स दुला ले ?' उखें लिसः वल, 'अक्सिजन जक मखु, डाक्टर, नर्स नापं दुगु नेपाः देय्या हे उत्कृष्टगु सुविधायुक्त एम्बुलेन्स हे विरामी कायके हयाबी।'

फोन याःम्ह मन् उत्साहित जुयाः धाल, 'अयु, का का, ज्यू ज्यू। अथे खःसा याकनं कायके छवया हयाव्यु।'

४५ मिनेट छवयाहय धाःगुलिइ ६ घौ लिपा जक एम्बुलेन्स वल। एम्बुलेन्सया दुने डाक्टरी एप्रोन फिनातःपिं निम्ह मिजं व निम्ह मिसापिं पिहां वयाः विरामीयात एम्बुलेन्स दुने तल। तर डाक्टर, नर्स धाःपिनि म्हासिका पौ (परिचय पत्र) धाःसा घानातःगु खनेमदु। अनं विरामीयात जक कयाः तथ्यक ग्राण्डी अस्पतालया इमरजेन्सीइ यंकल। अन दुने तयाः कोरोना विरामीयात अक्सिजन थकायत पम्पिडयानाचवन। साच्यूरेसन ९१-९२ थ्यंगु क्यन। अन छुं ई लिपा हे विरामीयात आइसीयूलय यंकाः भेन्टिलेटरय तथाबिल।

विरामीया छँजःयात विभिन्न फारम, सम्भौता पत्र, करार, आदिया भवँतय सही, सही छाप तयकाः खलितइ च्वंगु ध्यबा दक्व पुइकोबिल। अले पिने वयाः छम्ह डाक्टरं धाल, '१४-१६न्हु तक भेन्टिलेटरय तथाः स्वयमानि। अथे थथे धायफइगु अवस्था मरुनि।' भेन्टिलेटर नापं अस्पतालय लगय जुइगु मेमेगु शुल्कबारे नं अवगत याकल। नापं अस्पतालय पिवाः च्वनेम्वाःगु, विरामीयात स्वयत्, नापलायत वयमज्यूगु, न्हियान्हिथं सन्याकाःइलय छक्वः जक डाक्टरं विरामीया बारे फोनं जक सुचं बीगु धाल। हरेक दिनस सन्याकाःइलय डाक्टरं फोन यानाहइ तर, छगू हे जक खँ धाइ, 'म्हगाः, म्हीग गथे खः, अथे हे तनि। छवाः लिपा वयाः धाल, 'ब्लड प्रेसर ठिक जुयाचंगु दु, मेगु दक्व अथे हे खः।'

वयां कन्हयकुन्हु डाक्टरया फोन वल, '५० प्रतिशत जक आशा दु, ५० प्रतिशत मदु। खतरां मुक्त जूगु मरुनि।'



'जिमिगु अस्पतालय सुं नं छम्ह कोरोना विरामी सीगु मदु। दक्व उपचार यानाः लायकाः नेगेटिभ वयका बियागु दु। मेमेगु हे ल्वचं कयाः सित धाःसा जिमिसं छु हे धायफइ ?'

न्हियान्हिथं क्यास काउन्टर पटक पटक ध्यबा जम्मा याः वा धकाः फोन वयांतुं च्वनी, ध्यबा जम्मा यानां तुं च्वना। न्हापा धाःगु स्वयां अप्वः, डब्ल ध्यबा चार्ज यानातःगु बिल वल। सिकायत, विरोध यायगु अवस्था नं मदु। वयां कन्हयकुन्हु फोन वल, 'निमोनिया कम जुयावंगु मरुनि। निमोनियाया वासः चलय यानाः किइनी फेल जुल। उकिं छगः किइनीया डायलासिस यानाचवनागु दु।' उकिया कन्हयकुन्हु मेम्ह हे डाक्टरया फोन वल, 'कोरोनाया पिसिआर टेस्ट यानागु नेगेटिभ वल। उकिं कोरोना आइसीयू वार्ड आइसीयू वार्डय सिफ्ट यानागु दु। न्हापा स्वयाच्वम्ह डाक्टर नं विरामी जूगुलिं आः जिं स्वयाचवनागु दु।' थ्व खँ न्यनाः विरामीया परिवारपिनि भचा आशा दनावःगु खः। तर नं पिसिआर टेस्ट याःगु हे खः कि मखु, याःगु हे खःसां नेगेटिभ वःगु हे खः कि मखु सुनां हे स्यूगु मखु। दक्व गोप्य यानातल। निवाः दइन नं सुं छम्हेसित विरामीयात नापलाके ब्यूगु नं मखु, क्यंगु नं मखु। मोबाइल सां विरामीयागु भिडियो कयाः क्यनाब्यु अर्थात फोटो छपाःसां कयाः कयं धयां नं मज्यू धाल। विरामीयाबारे न्यंसा अस्पतालया सम्बन्धित सुं छम्ह मन् नं छगू शब्द नं नवायत तयार मजू। दक्व ग्याःचिकु पहः क्यनीगु।

थ्वयां कन्हयकुन्हु अचानक, सुथय न्हापां रताः इलय छम्ह नर्सयागु फोन वल, 'ब्लड प्रेसर अप डाउन जुयाचंगु दु। उकिया जानकारी बियागु।' हानं व हे दिनय १२ बजे अस्पतालं फोन वल अले धाल, 'ब्लड प्रेसर कम जुया वनाचवन, स्वः वयगु सा अस्पतालया आइसीयूलय वा।'

जिपिं दक्व छँजःपिं तुफान सरह अस्पतालय थ्यंकः वना तर, छम्हेसित जक नापलाकेगु धकाः छम्ह जक दुहांवनेत अनुमति बिल। दुने वनाः स्वयाबलय भेन्टिलेटरय तथातःम्ह विरामी सुशीलया स्याच्यूरेसन ९३-९४ दु। ब्लड प्रेसर कम जुयावनाः ६५/५७ य थ्यनाचवन। सासः ल्हानाचवन हे तनि। न्हिनसिया १ बजे ती अस्पतालया पल्लिइ हेलिप्याडय छगः हेलिकोप्टर दिकेहल। अले २

बजे ती डाक्टरं जिमित सःताः छिम्ह विरामी मन्त, सीम्ह यकिं धाल। अचानक थज्याःगु खबर न्यनेमाःबलय जिपिं दक्व पल्लिं कुतुं वः थें जुल। म्ह छम्हं जिरिङ्ग जुल, तसकं मुगः मछिन, खवयवल। शव काःवनाबलय क्यास काउन्टरय नि हँ धाल। क्यास काउन्टरय वनाः १५ लाख ६० हजार ध्यबा पु धाल। दाजुकिजा, तःकेहँपिं दक्वसिगु मुनाः ध्यबा पुला अले तनि सीम्ह पितबिल। तर सुशीलयागु छ्वाः स्वयाबलय एकदम शान्त खनेदु। वयागु छ्वालय अक्सिजनया मास्कयागु दाग प्रष्ट हे सीदु। छ्वाः मनावःगु खनेमदु। उकिं किइनी फेल जुल धकाः पटक पटक डायलासिस यानातःथें खनेमदु। थथे तुं यानाः हरेक दिनय हईपिं विरामीतयत निवाः लिपा लास यानाः ध्यबा जबरजस्ती असुल यायां थ्व अस्पतालं सर्वसाधारण जनतायात लुटय यानाच्वंगु स्पष्ट खनेदु। अथेसां अस्पतालं गर्व व फुर्तिसाथ धायगु याइकि, 'जिमिगु अस्पतालय सुं नं छम्ह कोरोना विरामी सीगु मदु। दक्व उपचार यानाः लायकाः नेगेटिभ वयका बियागु दु। मेमेगु हे ल्वचं कयाः सित धाःसा जिमिसं छु हे धायफइ ?'

कोरोना जुयाः ग्राण्डी अस्पतालय यंकीपिं अप्वः हे विरामीतयत थ्व हे फर्मुला अनुसार थज्याःगु हे हालत यानाबीगु जुयाचवन। जि छ्वाःतक अस्पतालय वयवने यानाबलय अन वईपिं दक्व विरामीतय स्थिति थथे हे जुयाच्वंगु खन। अन वयाच्वीपिं विरामीया जःपिन्सं नं जितः जूगु थें हे थःपिनिगु अनुभव नं न्यंकावन। अफ जिमिसं मस्यूपिं, मखीपिं ला गुलि जक दु जुइ।

थुकथं न्हियान्हिथं विरामी मन् हयां तुं च्वनी। लाक्वपाक्व ध्यबा म्हायच्वनी। मन्यात लास दयकाच्वंगु प्रत्यक्ष स्वस्व खंक खंक नं भी देय्या सरकार छाय चुपचाप च्वनाचवन ? प्रभु, भगवान छाय निरह जुयाचवन ? हे दैव, छु जुइन थ्व देशय ?

थ्व छुं काल्पनिक नाटक मखु। थ्व हे अस्पताल दुने न्हियान्हिथं मञ्चन जुयाच्वनीगु वास्तविक सत्य घटना खः थ्व।

जुयाब्यु दक्व होशियार।

बालाचःहे व लुति अजिमायाथाय सर्प होम



बिराजकाजी राजोपाध्याय

जुजु गुणकामदेवं कलिगत सम्वत् ३८२५य् च्याकु कुनय् खड्गाकारय् अजिमापिं अर्थात अष्टमातृका स्थापना याना: येँ देय् दय्कूगु धाइ । व इवल्य् गुणकामदेवं येँया धःक्व लिक्क लुँति अजिमा स्थापना यानातःगु दु । उम्ह अजिमायात स्थानीय नेवाःतय्सं लुँति अजिमा धयावःगु दुसा अष्टमातृकाय् इन्द्रायणी कथं नं थुम्ह अजिमायात कयातःगु दु । लुँति अजिमालिसे थीथी नखःचखः, जात्रापर्व आदिया स्वापू दयाच्वंगु दु । अथे हे, बालाचःहेया इलय् याइगु लुँति अजिमाया जात्रा व अनया सर्पाहुति होम नं छगू बिस्कं व रोचक संस्कृति खः ।

कछलागा चतुर्दशी अथवा मार्गशिर्ष कृष्ण चतुर्दशीया दिनयात नेपालय् बालाचतुर्दशी धकाः हनेगु चलन दु । नेवाःतय्सं थुगु दिंयात बालाचःहे धयावयाच्वन । थुगु दिनय् दच्छिया दुने मदयावीपिं छँजः अथवा थःथितिया आत्माया चीरशान्तिया कामना यासँ पशुपतिया श्लेषमान्तक वनय् अथवा देयया थीथी शिवालयस सतबीज वः वनेगु चलन दु । थुकियात बालू वनेगु धाइ । बालू वनेगु धकाः तख्व, वा, हाम्वः, छ्व, माय्, चिम्बःगु कयगू, ताय्, लें, लेबु, हि, सकि, कँयहलू आदि तयाः पशुपति क्षेत्र अथवा शिवालयस व्हव्हं

चाःहिलेगु याइ । बालाचःहेकुन्हु मृगस्थली वा श्लेषमान्तक वनय् थथे शतबीज व्हलाः मरुपिनिगु नितिं नसा ज्वलं पिनागु व मरुपिं पितृपिन्सं थ्व शतबीज थःगु नसा चूलाकीगु धयातःगु दु । बालाचःहेबलय् छगः पु वःसां नं छकुचा लुँति पुण्य दइ धकाः धायगु याः ।

थथे पु छकू वःसा छकुचा लुँति पुण्य दइगु दिनकथं कयातःगु बालाचःहेकुन्हु हे येँय् लुँति अजिमाया जात्रा जुइ । थ्व ल्याखं येँय् लुँति अजिमाया स्वापू नं थ्व हे लुँति पुण्यलिसे दुगु खःला, व हे ल्याखं लुँति अजिमा धाःगु खःला धायथाय् खनेदत । खय्तला लुँति अजिमायात छाय् लुँति धाल धइगु खँय् छपु किम्बदन्ति भीगु समाजय् प्रचलित दु । धयावःकथं लुँति अजिमायात छहु बछला माई भव्य सःतल । यक्व मस्त दुम्ह व सम्पत्तिया ल्याखं चीमिम्ह लुँति अजिमा थः मस्त दक्वसित व्वनाः भवजय् थ्यंबलय् भव्य सिधय्धुंक्कु जुयाच्वन । यक्व मस्तलिसें हुलिहुलि वःगु लं फिनावःम्ह लुँति अजिमायात बछला माई दुसिमरि तयाः नकल । अपमान चाःम्ह लुँति अजिमां उगु दुसि मरि अन हे बैय् च्वंगु आँय्पा प्वलाः उकी हे ल्हाकाः सुचुकाबिल व ख्वख्वं लिहांवल । थथे ख्वख्वं लिहां वयाच्वंगु इलय् छम्ह ज्यापुं खंकाः छु जुल धकाः न्यंबलय् लुँति अजिमां उम्ह ज्यापुयात थःत जूगु सकतां खँकन । दक्वं खँ न्येनेधुंकाः ज्यापुं लुँति अजिमायात फसि छगः बियाछवत । थथे फसि ब्युगु थाय् धइगु थौंकेन्हुया फसिक्यबय् खः । ज्यापुयाके फसि कयाः छँय् वनाः मस्तयूत नकेत धकाः दय्काच्वंबलय् उगु फसि लुँइ हिलावन । वयां लिपा व हे लुं यानाः लुँति अजिमा नं तःमि जुल । व धुंकाः सकल तःकेहँपिन्सं नं लुँति

अजिमायात हनाबना तयेगु यात । गनं गनं धाःसा लुँति अजिमां फसि दय्काः लुँ जूगु मखसँ नयेपित्याःपिं मस्तयूत थ्व हे सां नके धकाः लँय् सिनाच्वंम्ह ताहाः (सर्प) छम्ह यंकूगु अले व हे सर्पयात तानाः दय्काच्वंबलय् लुँ जूगु धइगु नं धयातःगु लुइकेफइ ।

न्त्याथेसां लुँति अजिमाया बाखनय् लुँया सन्दर्भ स्वानाच्वंगु दुगु जुल । व लुँ चूलाय्धुंकाः चीमिम्ह लुँति अजिमाया जीवनय् सुख वःगु धइगु ल्याखं लुँति अजिमा धया वयाच्वंगु खनेदत । बालाचःहेबलय् लुँति अजिमाया जात्रा जुइगु इलय् सर्पाहुति होम याइगुलिं नं लुँति अजिमां हःम्ह सीम्ह सर्प लुँ जूगु खँयात बः बियाच्वंगु दु । लुँति अजिमाया जात्राया इवल्य् बालाचःहे छहु न्ह्यः त्रयोदशिया बाचाय् थन मेमेगु थीथी हलंज्वलं, पशुपक्षीलिसें ताहाः नं होम यायगु याइ । बालाचतुर्दशी छहु न्ह्यः त्रयोदशिया बाचाय् बिष्णुमति खुसि सिथयच्वंगु लुँति अजिमाया देगः न्ह्यःने दुगु यज्ञकुण्डय् बीबः स्वीनितालिसें बुँइचा, न्या, बखुं, म्येय्या छ्यलिसें सर्प नं होम यायगु याइ । थुकथंया तजिलजिया धार्मिक मान्यता थःगु थासय् दय्फु । तर छुं नं नेवाः तजिलजियात स्वल धाःसा उगु तजिलजिइ तान्त्रिक मतं थाय् कयाच्वंगु दया हे च्वनी । व उगु तजिलजिं भीगु दैनिक जीवनयात माःगु शिक्षा नं बियाच्वंगु दइ । अजिमा धयाकथं हे शाक्त परम्परा हे खत । गथे शाक्त परम्पराय् पुरुष स्वयां नं स्त्रीशक्तिया हे थाय् च्वय् जुयाच्वनी, व हे कथं भीगु नेवाः समाजय् नं द्यः वा सांस्कृतिक परम्पराय् मिसा द्यः वा स्त्रीशक्तिया हे महत्व आपाः दयाच्वनी । दकले क्वय् शक्ति पृथ्वी तत्वया रुपं व दक्कले च्वय् पुरुष वा शिव आकाश तत्वया रुपं



होमय् स्वीनिता बीबः लिसें प्यमठ जीवया होम याइ । होम धयाकथं मि च्यानाच्वनीगु धकाः ला धाय्माःगु हे मखुत । होमया अजि तत्वय् आकाशय् ब्वयाजुइमह बखुं, भीगु जःखः बुँइ, क्यबय् ब्वयाजुइमह, भीसं सासः ल्हाय्गु फसय् ब्वयाजुइमह बुँइचा, लखय् च्वनीमह न्या नं होम याइ ।

च्वनाः उकिया दथुइ जल, वायू व अग्नि दयाच्वंगु थासय् जुयाच्वनीगु श्रुष्टि हे तन्त्र खः । बालाचःहेया सर्पाहुति होमय् नं थुकथं हे पञ्चतत्वया दथुइ श्रुष्टिया प्रक्रियायात हे निरन्तरता बियाच्वंगु खनेदु । थुगु होमयात प्रकृतीलिसे स्वानाः लना स्वयंबलय् पंचतत्वया संगम लुइकेफइ । थुगु होमय् स्वीनिता बीबः लिसें प्यमठ जीवया होम याइ । होम धयाकथं मि च्यानाच्वनीगु धकाः ला धाय्माःगु हे मखुत । होमया अग्नि तत्वय् आकाशय् ब्वयाजुइमह बखुं, भीगु जःखः बुँइ, क्यबय् ब्वयाजुइमह, भीसं सासः ल्हाय्गु फसय् ब्वयाजुइमह बुँइचा, लखय् च्वनीमह न्या नं होम याइ । लिसें च्यानाः नौ अले चा जुयावनीमह म्येय्या छ्यं होम याइ । ताहाःयात स्वल धाःसा थ्व ब्वये नं फु, लखय् नं च्वनेफु, बैय् नं च्वनेफु अले च्यानाः नौ नं जुयावनी ।

थुकथं पञ्चतत्वया हे प्रतीकया रुपय् बालाचःहेया इलय् याइगु सर्पाहुतिइ होमयात कायगु यानाच्वंगु दु । थुगु होमं नं पृथ्वीतत्व व आकाशतत्व दथुइ जुयाच्वनीगु सृष्टि व संहारायात हे प्रतिविम्बत यानाच्वंगु दु । जीवनयात समाजय् सहज अले व्यवस्थित ढङ्गं न्ह्यःने यंकेत हे मनुखं वा समाजं संस्कृतिया विकास याइगु खः । संस्कृति मानव निर्मित खः नकि मनु संस्कृतिपाखें निर्माण जूगु खः । अथेजुगुलिं समाजय् न्ह्यानाच्वंगु छुं नं संस्कृतिया तप्यंका स्वापू धइगु मानव समाजया दैनिक जीवनलिसे हे जुयाच्वनी । सभ्य समाज निर्माण यायूत, मनुया दैनिक जीवनयात अःपुक व व्यवस्थित ढङ्गं न्ह्याकाच्वनेत माःगु दुय्यं सामाजिक, दार्शनिक शिक्षा दया हे च्वनी । उकियात दुय्यंका स्वय्माः अले उकियात थुइका काय् नं फय्केमाः ।

आयो नून खाउँ स्तस्थ रहौ

आयो नून खाउँ स्तस्थ रहौ

आयो नून खाउँ स्तस्थ रहौ

आयो नून खाउँ स्तस्थ रहौ

राम प्रजापति प्रोफेसर

राम प्रजापति प्रोफेसर

हार्ती मिठाई भण्डार

(सुख्क झाकाठारो)

कालिमाटी चोक, टंकेबर मार्ग, काठमाडौं ।
फोन नं. : ४२०२१९९, मो. ९८०३९८०६९९

अर्थातः-विवाह, व्रतबन्ध, पाटी, पिकनिक, तथा अन्य शुभ कार्यको लागि अर्हनुसार मिठाईको व्यवस्था गरिन्छ ।

बिचाः हायेका

बुदिं वि.सं. १९९१

मदुगु दिं वि.सं. २०७८ मंसिर ४

नेपालभाषा ख्यःया छम्ह नांजाःम्ह विद्वान, नेपालभाषाय् दकले न्हापां पीएचडी यानादीम्ह

डा. जनकलाल वैद्य

आकाभाकां मदुगु खँ न्यनाः खलःया सकल जःपिं स्तब्ध जूगु दु । मदुम्ह आत्माया चीरशान्तिया कामना यासँ थुगु दुःखया इलय् दुःखंकःपिं सकल छँजःपिन्सं धैर्यधारण याये फयेमा धकाः कामना यासँ दुनुगलनिसें बिचाः हायेकाच्वना ।

ऋषि प्रसाद श्रेष्ठ, नायः

नेपालभाषा मंकाः खलः यल

सकल जः





रिक्खिना डंगोल

मिस लिटिल नेवा: ११४१

सेकेण्ड रनर अंप

ब्यक्तना

किपा : अमित रंजित

ए डिभिजन लिगया रौनक



प्रजित शाक्य

कतार एयरवेज सहिद स्मारक ए डिभिजन लिग नेपाःया दकले तःधंगु फुटबल धेंधे बल्लाः खः। लिगयात फुटबलया मेरुदण्ड नं धाइ। थुगुसी नं थज्याःगु महत्वं जाःगु नेपाःया सर्वोच्च लिग न्ह्याय्धुंकल। थ्व च्वसु पिदनीबलय् लिगया निगू चरण क्वचाय् धुंकी। सिङ्गल लिग जक जूगुलिं थुगुसी १२ राउन्डया धेंधे बल्लाः जुइ। फुक्क क्लबं निगू-निगू कासा म्हितेधुंकल। इमिगु कासा स्वयं खःसा फुक्क क्लब १९-२० हे खनेदु। थ्व नेपाली फुटबलया निर्ति सुखद खँ खः। न्हापांगु निगु चरणया खँ ल्हाय्गु खःसा नवप्रवेशी सातदोबाटो क्लबं दावेदार थ्रिस्टारयात बुकाः याःगु उलटपुलट चर्चाया विषय जुल।

थुगुसीया लिग न्हापाया स्वयां यक्व हे पाइगु फुकिसनं महसुस यानाच्वंग दु। लिगय सहभागी १४ क्लब अझ व्यवसायिक फुटबलपाखे उन्मुख जूगु दु। छगू क्लबं औसत एक करोड कासामितयगु अनुबन्धनय् खर्च



याःगु दु। ग्वसाः खल अखिल नेपाल फुटबल संघ (एन्फा) व क्लबतयत नं प्रायोजकतयगु बांलाःगु हे तिबः दु। एन्फा प्राइज मनि अर्थात सिरपाःया राशी नं थकाःगु दु। थुगुसी लिग च्याम्पियन ७५ लाख, उपविजेता पुचः ५० लाख व लियांल्यू लाइगु पुचः २५



लाखया हकदार जुइ। अथेहे, क्लबयात त्याःगुपतिकं ५० हजार सिरपाः बी। कासा ज्वलज्वः जूसां तबि निगुलिं पुचलं २५-२५ हजार इना काय्दइ। अथेहे, एन्फां तयारीया निर्ति फुक्क क्लबयात बीगु २० लाखया ग्वाहालि नं थनथाय् ल्वःमंकेमज्यू।

थुगुसी व्यक्तिगत सिरपालय् नं ह्युपाः वःगु दु। न्हापा न्हापा इन्डिभिज्युयल विधाय् न्याम्ह सर्वश्रेष्ठ कासामि व प्रशिक्षकयात सिरपाः बीगु चलन दुगु खः। थ्व चलनय् नं ह्युपाः वःगु दु। थुगुसी अन्तर्राष्ट्रिय चलनकथं

व न्हूम्ह युवा फुटबलरयात राइजिङ प्लेयरया अवार्ड बीगु क्वःछ्यगु दु। थुगुसी लिग विक इन्ड (सप्ताहन्त) य् जक जुयाच्वंगु दु। फलड लाइटसय् कासा जुयाच्वंगु दु। उर्किं यानाः नं न्हापांगु निगू चरणय् दर्शकतयगु उल्लेख्य उपस्थिति दत। विदा व सनिलय् कासा न्ह्याइगु जूगुलिं फुटबलयात माया याइपिं समर्थकत थःगु ज्या क्वचाय्काः रङ्गशाला वयगु लकस तयार जूगु दु। विक इन्डया अवधारणाअनुरूप छगू क्लबं वालय् छगू कासा जक म्हिती। न्हापा न्हापा लिगय् अप्वः क्लबया गुनासो निन्दु, स्वन्हु लिपा हे म्हितेमालीग जूगुलिं कासामितयत आराम मन्त धइगु हे खः। लगातार म्हितेबलय् कासामित यक्व धाःपाः नं जुइगु याः। उर्किं थुगुसी एन्फां विक इन्ड अले फलड लाइटसया कासा न्ह्याकाः छगू सकारात्मक ह्युपा हःगु दु।

थुगुसी न्हापांगु खुसी प्यंगू मैदानयात छ्चलेगु निर्णय जूगु दु। दशरथ रङ्गशाला, सातदोबाटोया एन्फा कम्प्लेक्स मैदान, यलया हे च्यासल फुटबल मैदान व पोखरा रङ्गशाला। अथेसां न्हापांगु निगू चरण क्वचाय् धुंकाः दशरथ रङ्गशालाबाहेक मेगु मैदानय् लिग मजुनि।

अथेहे कोभिडया हुनिं थुगुसी न्याम्ह सब्स्टीच्यूसनया नियम लागू याःगु दु। न्हापा छगू कासाय् स्वम्ह जक कासामि हिलेदइगु खःसां थ्व इलय् अन्तर्राष्ट्रिय फुटबलय् हुँ ईया

निर्ति न्याम्ह कासामि हिलेदइगु नियम छ्यःगु खः। एन्फां नं वहे नियमयात अनुसरण याःगु जुल। थ्व नियमं बेज्व बल्लाःगु क्लबयात पक्कां यक्व लवः दइ।

लिगय सहभागी थीथी क्लबया थीथी आज्जु दु। मछिन्द्र क्लबया तातुना लिग उपाधि रक्षा यायगु खःसा त्रिभुवन आर्मी क्लब, मनाङ मर्स्याइदी क्लब, थ्रिस्टार क्लबया च्याम्पियन हे जुइगु आज्जु दु। नेपाल पुलिस क्लब, संकटा क्लब थज्याःपिनिगु मिखा टप फाइभय् दु। बाकी क्लबमध्ये सुर्या टार्गेट मिडटेबल व हुँ क्लबया तातुना रेलिगेशनय् मलायगु हे खः धाःसां पाइमखु।

अथेहे थ्व लिगया आकर्षण विदेशी कासामित नं खः। च्याम्पियन जुइत, मिडटेबलय् थःत लाकेत, रेलिगेशनय् मलायत क्लबतयसं यक्व तयारी याइ। उकीमध्ये छगू विदेशी खेलाडी अनुबन्धन नं खः। अथेला विदेशी खेलाडी नेपाली लिगया छगु हिस्सा हे जुइधुंकूगु दु। न्हापान्हापा व्यवसायिक स्वयां मेगु हे प्रयोजनं नेपाल वईपिं युरोपेली, अमेरिकी कासामितयसं नेपालय् लिग म्हितूगु इतिहास दु। थौंकन्ह्यु धाःसा व्यवसायिक अनुबन्धनं हे विदेशी फुटबलरत नेपाल वइ। थुकी नं अफ्रिकी मूलया अश्वेत कासामितयगु सेवा काय्त नेपाली क्लबत लालायित जूगु खनेदु।

फुटबलया प्राविधिक खेलय् नेपाली स्वयां अफ्रिकी कासामित

मछिन्द्र क्लबया तातुना लिग उपाधि रक्षा यायगु खःसा त्रिभुवन आर्मी क्लब, मनाङ मर्स्याइदी क्लब, थ्रिस्टार क्लबया च्याम्पियन हे जुइगु आज्जु दु।

बांलाइ धइगु धारणा नं दु। स्वंगू विभागिय टिम नेपाल पुलिस क्लब, त्रिभुवन आर्मी क्लब र एपीएफं आन्तरिक हुनिं विदेशी कासामित नापं करार याय्मज्यू।

मेगु फुक्क निजी क्लबं विदेशी खेलाडीनाप सम्भौता याःगु दु। थुगुसी न्युरोड टिम (एनआरटी) क्यामरुनया स्वम्ह फुटबलर मेसौके पिएरी, स्टेफन समिर व एन्ड्रि थियरी, हिमालयन शेर्पा क्यामरुनया सेइउइ उलरिच, जापानया रियो नाकामुरा व केन्याया मुटम्बा पिस्टोना, मनाङ मर्स्याइदी नाइजेरियाया ओलाडिपो ओलावाले, पोर्चुगलया विल जर्ज, क्यारुनया क्विटी फ्राडीलिन, भारतया दयानन्द सिंह, मछिन्द्र क्लबं अजरवैजानया नुर्लान जाहिद, नाइजेरियाया ओमालाजा करिम, क्यामरुनया एन्ड्रेस निया, च्यासल क्लबं इटालीया विकास मिराभिलिया, क्यामरुनया किचा यानिक व मोउसा आबागानायात आवद्ध याःगु दु।

अथेहे थ्रिस्टार क्लबया जर्सीइ क्यामरुनया बिडियास रिम रफायल, क्यामरुनया प्रिसो, सातदोबाटो नाइजेरियाया पिटर सेगुन, नाइजेरियाया अजयी मार्टिन्स, दक्षिण अफ्रिकाया सिफामान्ड्ला, ब्रिगेड ब्वाइजया प्रतिनिधित्व यानाः क्यामरुनया वम्बा ड्याडी जुनियर, बेर्टरान्ड ओटोउ, रुडी जोनाथन, जावलाखेल युथ क्लबया जर्सी आइभरि कोस्टया कोरा फ्लोरेन्ट, क्यामरुनया जिमी लोइ, ओनगुइन जुनियर फ्रेन्ड्स क्लबं ट्रिनिडाडया गार्सिया जुडी, पाउल एन्थोनी व संकटा क्लबय् आवद्ध जुयाः क्यामरुनया जोर्डन जुनियर म्हिताच्वंगु दु। लिग न्ह्याय्धुं क्लबतयसं अझ विदेशी कासामि थःथःगु क्लबय् आवद्ध यायत बः बियाच्वंगु दु।



Sweet Cave

(जीवन दाईया पसः)

Kalimati, Kathmandu, Nepal

Tel: 4275511, 9741112777, 9851063000

यहाँ भोज तथा पार्टीहरूको लागि चाहिने स्पेशल दही, पनिर, लाखामरी, लालमोहन, बर्फी, रसबरी तथा अरु विभिन्न परिकारका मिठाईका लागि सम्पर्क राख्नुहोस्।

आउटडोर भेज क्याटरेरिग पनि गरिन्छ।

काठमाडौं महानगरपालिकाको निःशुल्क एम्बुलेन्स सेवा

अस्पताल जानको लागि निःशुल्क एम्बुलेन्स सेवाका लागि सम्पर्क गर्नुहोस्

कोभिड विरामीका लागि १०२

तन कोभिड विरामीका लागि ११८०

मा कल गर्नुहोस्।



काठमाडौं महानगरपालिका

हरिभवन, सुन्धारा, काठमाडौं।

धरहरा जग्गा विवादय् कामपां फैसला कार्यान्वयनय् च्यूता: मक्यंगु द्वपं

यैया सुन्दाराय् धरहरा ल्यूने दुगु मस्जिद दावी यानाच्चंगु जग्गाया विवाद हाकनं चर्चाय् वःगु दु। उगु जग्गाया लालपूर्जा दुपिं जग्गाया थुवाः रत्नकाजी महर्जन व जुजुकाजी महर्जन संचारमाध्यमय् न्हयःने वयाः नवायुधुकाः थौंकन्हय् थुगु जग्गाया खँ हाकनं थीथी संचारमाध्यमय् चर्चाया विषय जुयाच्चंगु दु। जग्गा थुवाः महर्जनद्वयं यैय् पत्रकार सम्मेलन यासैं जग्गा सम्बन्धि भ्न्, विभिन्न मितिइ यै महानगरपालिकानिसैं सर्वोच्च अदालतय् जूगु फैसलाया भ्न् आदिलिसैं संचारमाध्यमय् वयाः यै महानगरपालिका थ्वयां न्हयः जूगु फैसलाया कार्यान्वयनय् च्यूताः मक्यंबल्य् थःपिं मर्काय् लाःगु धाःगु दु।

जग्गा थुवाः रत्नकाजी महर्जन २०७२ असार ७ गते सर्वोच्च अदालतया वृहत इजलाशं तर्क व जग्गा थःपिनिगु हे खःगु फैसला याय् धुंक्कूगु अवस्था व पटक पटक फैसला कार्यान्वयन याय्ति निर्देशन बीधुंकलं

तर्क महानगरपालिकां सर्वोच्चया फैसला कार्यान्वयनय् च्यूताः मक्यंगु द्वपं बियादिल।

‘सर्वोच्च अदालतया वृहत इजलासं हे व जग्गाया स्वामित्व जिमिके दुगु फैसला याय्धुंक्कूगु दु व सर्वोच्च अदालत फैसला कार्यान्वयन समितिं न्याक्वःतक्क ला फैसला कार्यान्वयन याय्ति निर्देशन बीधुंकल तर, यै महानगरपालिकां धाःसा अवैध रुपं दय्कातःगु व टहरा थुनेत थौंतक्क च्यूताः मक्यंगु, थन सर्वोच्च अदालतया हे अपमान जूगु दु’ महर्जनं धयादिल। थ्वयां न्हयः २०५९ माघ १३ गते यै महानगरपालिका थम्हं हे न व जग्गाय् दुगु टहरा थुनाबीगु फैसला याय्धुंक्कूगु व अफ् २०६२ पुष २८ गतेकुन्हु न्हापाया फैसला बदर याय्मवाःगु फैसला नं याय्धुंक्कूगु महर्जनं लुम्कादिल।

महानगरपालिका व सर्वोच्च अदालत तर्कया फैसला कार्यान्वयन मज्बूलय् थःपिंसं सर्वोच्च अदालत फैसला कार्यान्वयन समितिइ निवेदन

बियागु व समितिं फैसला कार्यान्वयन याय्ति २०७५ असोज १० निसैं २०७७ कार्तिक २१ गतेतक्क यानाः न्याक्वः निर्देशन बीधुंकलं नं फैसलाया कार्यान्वयन मज्जु महर्जनया धापू खः।

पत्रकार सम्मेलनमार्फत जग्गा थुवाः महर्जनद्वयं यै महानगरपालिका प्रमुख विद्यासुन्दर शाक्य, कामपाया प्रमुख प्रशासकिय अधिकृत राजेश्वर ज्ञवालीयात सर्वोच्च अदालतया फैसला अविनियम कार्यान्वयन याय्ति माग याःगु दु।

नरेन्द्र बिक्रम राणाया नामय् जग्गा धनि पुर्जा दुगु उगु जग्गा सावित्री तिमिल्सिना व भेषराज न्यौपाने जुयाः २०६१ सालय् रत्नकाजी महर्जन व जुजुकाजी महर्जन दाजुकिजां न्यानाकाःगु खनेदु। व जग्गाया नियमित रुपं भूमिकर महर्जन दाजुकिजां हे पुलावःगु खनेदु। पटक पटक विवादित जुयावःगु उगु जग्गा मस्जिदया रुपं दुगु छुं हे कानुनी प्रमाण मदुगु व गुगु इलय् मुसाफिर खाना जक खःगु जग्गाधनी महर्जनद्वयया दावी खः।

प्रम देउवायात ग्वय्दां



दँय्दसं थिंला पुन्ही (यःमरि पुन्ही) कुन्हु हनावयाच्चंगु राष्ट्रिय ज्यापु दिवसया लसताय् जुइगु मू ज्याइवल्य् मूपाहँकथं ब्वनेत प्रधानमन्त्री शेरबहादुर देउवायात ग्वय्दां लःल्हाःगु दु। आइतवाः ज्यापु संस्कृति विकास कोषया पदाधिकारीपिनिलिसैं

संयोजक त्वाः गोफः माकःगल्लीया पदाधिकारीपिं प्रम निवास बालुवाटारय् वनाः ग्वय्दां लःल्हाःगु खः।

प्रम देउवां नेपाःया संस्कृति ल्यंकेत तिबः बियाच्चंगु समुदायया ज्याइवल्य् ब्वति कायेगु बचं बियादीगु खः।

नेपालभाषाया चिहाः संकिपा ‘कीर्तिमान’या भिं साइत

कीर्तिपुर नगरपालिका ३ वडा ज्याकूया ग्वसालय् ज्येष्ठ नागरिकपिं मुंकाः लुम्बिनी व भारतया गोरखपुर भ्रमणय् यंक्कू दु। किपू नगरपालिकाया मेयर रमेश महर्जन ज्याइवःया उलेज्या यासैं ज्येष्ठ नागरिकपिं सकलसिगु नितिं द्यः समान जूगु बिचाः तयादिल। अथे हे, ३ वडाया वडाध्यक्ष राजेन्द्र महर्जन ज्येष्ठ नागरिकपिं लुम्बिनी व गोरखपुर देश दर्शन भ्रमणया आज्जुया विषयस ध्वाय्थुकादीगु खः। उगु हे ज्याइवल्य् वडाया हे निर्माण व्यवस्थापनय्

कीर्तिपुर मिडिया हाउसया न्हयब्वया कथं ज्येष्ठ नागरिकपिनिगु बाखंया लिधंसाय् नेपालभाषाया चिहाः संकिपा ‘कीर्तिमान’ या भिं-साइत नं याःगु खः। ज्याइवल्य् मेयर महर्जनलिसैं उपमेयर सरस्वती रिजाल खड्का मंकाः कथं संकिपा ‘कीर्तिमान’ या ब्यानर उलेज्या यासैं चिहाः संकिपाया भिं-साइत यानादीगु खः। ज्याइवल्य् किपू नगरपालिका १ वडाया अध्यक्ष हर्ष महर्जन, २ वडाया अध्यक्ष रमेशमानलिसैंया नं उपस्थित दुगु खः।

काँग्रेस यल

श्रेष्ठ त्याःगु खः। वयकःया सतीम्ह प्रतिद्वन्दी रामकृष्ण चित्रकारया ६५३ मत वःगु खः। १ हजार ३ सय २१ मत कुतुवंगुलिइ ३ मत बदर जूगु खः। शनिबाः श्रेष्ठ, चित्रकार व मीनकृष्ण महर्जन दथुइ जूगु धेधे बल्लाखय् छसिकथं ४८२, ५०४ व ३३६ मत वःगु खः। मुक्कं कुतुवंगु मतमध्ये सुनां नं ५१ प्रतिशत मत हय्मफुबल्य् हाकनं मतदान जूगु खः। नेपाली काँग्रेसया विधानय् निम्ह स्वयां अप्वः उम्मेदवार जूसा व मुक्कं कुतुवंगु मतया ५१ प्रतिशत मथ्यंसा न्हापांम्ह व निम्हम्ह दथुइ हाकनं निर्वाचन याय्गु प्रावधान दु।

न्हापांगु चरणं पिहां वनेधुंकाः महर्जनं श्रेष्ठलिसैं जूगु सहमति उल्लंघन यानाः चित्रकारयात ग्वहालि यानाद्युगु खः। वंगु विहीबाः छू हे दबुलि उम्मेदवारी घोषणा यानाद्युपिं श्रेष्ठ व महर्जन दथुइ निगू बुँदे सहमति जूगु खः। छू मतदान न्हयःतक्क सहमतिया लागिं निम्ह दथुइ फक्व कुतः याय्गु, निगूगुलिइ चुनावय् वनेमाःसा सुनां अप्वः मत हइ, वयात मेम्हेसिनं समर्थन यानाः निगूगु चरणया निर्वाचनय् वनेगु।

पूर्व अर्थराज्यमन्त्री उदयशमशेर राणां धाःसा थःगु पूर्व सहमतिकथं

श्रेष्ठयात ग्वहालि यानाद्युगु खः। चित्रकारयात वर्तमान सभापति मदनबहादुर अमात्य पुचलं समर्थन याःगु खः। क्षेत्रीय अधिवेशनय् संस्थापन पक्ष बुइधुंकाः अन्तिमय् अमात्य चित्रकारयात ग्वहालि याय्गु निर्णय यानाद्युगु खः। विजयी श्रेष्ठ १३क्वःगु महाधिवेशनय् जिल्ला सभापतिया सतीम्ह प्रतिद्वन्दी खःसा १०क्वःगु महाधिवेशनलिसैं महासमितिया दुजः जुयावःगु खः। श्रेष्ठ पार्टीयात विधि पद्धति अनुकूल न्हयाकाः आन्तरिक लोकतन्त्रया अभ्यासलाई बल्लाकेगु, कार्यकताया स्याःचाःयात थुइका काय्गु, आः जुइगु निर्वाचनय् पार्टीयात त्याकेत दत्तचित्त जुयाः जाय्गुलिइ थःगु ध्यान केन्द्रीत याय्गु धयादिल।

थ्वयां न्हयः काँग्रेस नेता अले पूर्व अर्थराज्यमन्त्री उदयशमशेर राणायात वर्तमान जिल्ला सभापति मदन अमात्य पुचलं हातपात या कुतः याःगु धासैं कार्यकर्ताय् नाराबाजी याःगु खः। मतदानया इवल्य् प्रचार सामग्रीलिसैं हल्य् दुहां मवनेत इनाप याःबल्य् अमात्य पक्षया कार्यकर्ता राणायात हातपात याःगु खः। राणा पक्षया कार्यकर्ताय्सं ‘गुण्डागर्दी बन्द या’ धासैं नाराबाजी यायेधुंकाः लकस भचा तनाव जाःगु खः।

‘थौं जिं छन्त म्हासय् खना’ म्युजिक भिडियो पिदन



नेपालभाषाया न्हूगु म्ये ‘थौं जिं छन्त म्हासय् खना’ या म्युजिक भिडियो सार्वजनिक जूगु दु। पुलांम्ह म्येहालामि पुष्पनारायण मानन्धरं हालातःगु म्येया म्युजिक भिडियो

नेवाः टिभि एचडिइ पितव्वज्या जूगु खः।

नेवाः टिभिइ जूगु ज्याइवल्य् यै महानगर वडा नं. १३ या अध्यक्ष ध्रुवनारायण मानन्धर, नेपालभाषाया

न्हापांम्ह म्युजिक भिडियो निर्देशक विजयरत्न असंबरे व नेवाः टिभी एचडीया नायः नविन जोशी मंकाः कथं म्ये पितव्वज्या यानादीगु खः।

सुरेन्द्र मानन्धर निर्देशन यानादीगु म्ये आयुष महर्जन छायांकन यानादीगु खःसा इन्द्र मानन्धरं दृश्य सम्पादन यानादीगु खः।

म्युजिक भिडियोलय् किरण जोशी, सुजना बज्राचार्य, पुष्प नारायण मानन्धर, राधिका मानन्धर, विमला मानन्धर व ध्रुव कपालीलिसैं नं अभिनय यानातःगु दु। मानन्धरं हे च्वयाः लय् तयादीगु थुगु म्ये न्यय्दं न्हयः हे पिदनेधुंक्कूगु खःसा आः वयाः हाकनं न्हू कथं रेकर्ड यानाः पिथंगु खः। म्येयात भूपालमान सिंह संगीत संयोजन यानादीगु दु।

साहित्यकार रीतादेवी प्रधानया निगू सफू पिदन

अमेरीकाय् च्वनाच्चम्ह साहित्यकार रीतादेवी प्रधानया हाइकु बांलुगु चिनारखँ व बाखं विधाया निगू सफू पितव्वज्या जूगु दु। ज्याइवल्य् प्रधानया हाइकु सफू ‘फय् वःगु लँय्’ व बाखं मुना ‘तापालय् थ्वःगु सः’ नांया सफूया पितव्वज्या जूगु खः। ज्याइवः सिर्जना अभियान समाज व नेवाः हाइकु ख्यःया ग्वसालय् जूगु खः। निगुलिं सफूया पितव्वज्या वाइमय शताब्दी पुरुष सत्यमोहन जोशी, नेपाल प्रज्ञा प्रतिष्ठानया प्राज्ञ साहित्यकार ध्रुव मधिकःमि व गीता खत्री मंकाः कथं यानादीगु खः। हाइकु ख्यःया नायः सुरेश प्रधानया सभाध्यक्षताय् जूगु ज्याइवल्य् वाइमय शताब्दी पुरुष जोशी, नेपालभाषा एकेडेमीया दाभरिं



डा. पुष्पराज राजकर्णिकार, प्राज्ञ मधिकःमि, शाक्य सुरेन, समालोचक पूर्ण ताम्राकार, नेवाः हाइकु ख्यःया काजि दिल बहादुर चित्रकार ‘तुयुपु’, अनेसासया अध्यक्ष खत्री साहित्यकार प्रधानया पितव्वज्या जूगु निगू सफूयात

कथा थःथःगु धारणा तयादीगु खः। ज्याइवल्य् साहित्यकार प्रधानं भर्च्युअल माध्यम थःगु कृतियात कथाः नवानादीगु खःसा ज्याइवः साहित्यकार पूर्णमा शाक्य न्हयाकादीगु खः।

नेपाल संवत्त्या आन्दोलन माग पूमवंतले न्ह्याकेमाः - मल्ल के. सुन्दर



नेवाः न्ह्यलुवा मल्ल के. सुन्दरं न्हूँया लसता ज्याइवः जक यायगु मुखसें न्हूँ व नेपाल संवतयात कयाः थःपिन्सं ल्हवनावयागु मागयात पूर्वकेगु कथंया ज्याइवः याय्माःगु धयादीगु दु ।

नेवाः न्ह्यलुवा मल्लं शनिबाः नेपाल संवत न्हूँ राष्ट्रिय समारोह समितिं ११४२ या ग्वसालय् थींहीतिइ जगु कौला ज्याइवलय् न्वासें थथे धयादीगु खः । वयकलं लय्पतिं ज्याइवः ज्याइवः यायगु नामय् जक मखसें थःपिनिगु माग पूर्वकेगु कथंया ज्याइवः याय्त्त समारोह समितियात इनाप यानादीगु खः । अथे हे, वयकलं

नेपाल संवतया आन्दोलन न्ह्याकेगु निरतिं दकलय् न्हापां भिंतुना न्ह्याल न्ह्याकुगु थाय् हे थींहीति त्वाः जगु नं लुमंकादिल ।

ज्याइवलय् समारोह समितिंया सल्लाकार व समितिया कजि लक्ष्मीदास मानन्धरया नं उपस्थिति दुगु खः । समारोह समितिया नायः निरजनरत्न शाक्यया सभाध्यक्षताय् जगु ज्याइवलय् समारोह समितिया दुजः लिसें येँ महानगरपालिका १७ वडाया अध्यक्ष नविन मानन्धरं लसकुस यानादीगु खःसा समितिया दुजः लिसें ज्याइवःया कजि ज्योति शाक्यं ज्याइवः न्ह्याकादीगु खः ।

न्हापांगु हलिं न्ह्यसःलिसः कासाया सिरपाः लःल्हात



वर्ल्ड नेवाः अर्गनाइजेसन (डब्लुएनओ) या ग्वसालय् जगु हलिं नेवाः न्ह्यसः लिसः कासाःया त्याकामिपिन्त सिरपा लःल्हाःगु दु ।

येँ चागःस्थित जगत सुन्दर ब्वनेकुथिइ शनिबाः छगु ज्याइवः यासें सिरपा लःल्हागु खः ।

ज्याइवलय् न्ह्यसः लिसः कासाय् न्हाप लाःगु यलबुकः स्वां पुचःयात ६०० अमेरिकी डलर, ल्यू लाःगु गुलाफ स्वां पुचःयात ४५० अमेरिकी डलर, लियाल्यू लाःगु सिन्हःस्वां पुचःयात ३०० अमेरिकी

डलर व हःपाः लाःगु अजूस्वां पुचःयात १५० अमेरिकी डलर सिरपा कथं लःल्हागु खः ।

अथेहे कासाय् ब्वति काःगु फुककं पुचःयात १५ अमेरिकी डलर नं लःल्हाःगु खः । वंगु भाद्र ५ निसं न्ह्याःगु कासाय् थीथी देय्या २० पुचलं ब्वति काःगु खसाः सेमिफाइनल न्ह्यःतकया ९ कासा भर्चुअल रूपं जगुलिइ वयां लिपाया ३ कासा जुममार्फत भर्चुअल नापं भौतिक रूपं नं जगु खः ।

ज्याइवलय् संघीय मामिला तथा

सामान्य प्रशासनमन्त्री राजेन्द्र प्रसाद श्रेष्ठ, येँ महानगरपालिकाया उपमेयर हरिप्रभा खड्गी, नेवाः न्ह्यलुवाःलिसें परोपकार संस्थाया नायः हितकरवीर सिंह कसाः, नेवाः न्ह्यलुवाःलिसें साहित्यकार मल्ल के सुन्दर, नेवाः देय् दबुया अध्यक्ष नरेश ताम्राकार, डब्लुएनओ नेपाः च्याप्टरया पूर्व नायः पुष्कर भक्त माथेमा, कवियत्री प्रतिसरा सायमिलिसेया थःथःगु बिचाः तथादीगु खः । अथे हे, कासाया कजि विमलमान श्रेष्ठ, न्ह्यसः निर्माण कमितिया कजि केशरमान ताम्राकार, डब्लुएनओ नेपाः च्याप्टरया नायः शाक्य सुरेनं कासाया बारे नवानादीगु खः ।

वाङ्मय शताब्दी पुरुषलिसं डब्लुएनओया सल्लाहकार सत्यमोहन जोशीं भर्चुअल रूपं उपस्थित जुयाः भिन्तुना हसना बियादीगु खः ।

ज्याइवलय् क्यानेडापाखें सितार वादनया प्रस्तुति नं जगु खःसा नेपालं उस्ताद यसराज सुदर्शन राजोपाध्यायं सरोद वादन यानादीगु खः ।

महर्जन कम्प्लेक्स

तपाईंको सपना साकार पार्नुहोस्
काठमाडौं न्युरोडमा सम्पति जोड्नुहोस्

OPENING
SHORTLY

नेपालको पहिलो NEO CLASSICAL व्यापारिक कम्प्लेक्स



बुकिङ्गको लागि
सीमित ठाउँ मात्र खाली छ ।

बिशेषताहरु

आधुनिक क्याप्सुल लिफ्ट । एलिगेटर । एस्केलेटर
आगलागी नियन्त्रण प्रविधि । २४ सै घण्टा सुरक्षा । फ्रेस एयर सप्लाई
कम्प्लेक्सको बीचमा खुल्ला स्थान । भूकम्प प्रतिरोधात्मक । पूर्ण रूपमा वातानुकूलित

गहना पसल । ब्राण्डेड पसल । फुड कोर्ट । रेष्टुरेण्ट
वित्तीय संस्था आदिका लागि अति उपयुक्त ।

Maharjan Business Associates Pvt. Ltd.

न्युरोड, काठमाडौं

फोन नं.: ९६९१०४००००, ९६९१०६००००

किपू नपाय् नेवाः राष्ट्रिय म्ये हालेगु न्ह्यात

किपू नगरपालिकाया ज्याकुथिइ नेवाः राष्ट्रिय म्ये हालेगु न्ह्याःगु दु ।

थ्वयां न्ह्यः वंगु मंसिर ७ गतेनिसं ज्याकुथिइ ज्या न्ह्याके न्ह्यः नेपाःया राष्ट्रिय म्ये 'सयौं थुंगा फुलका हामी' हालेगु न्ह्याकूगु खःसा वंगु बिहीबाःनिसं नेपाःया राष्ट्रिय म्ये धुंकाः नेवाः राष्ट्रिय म्ये 'धुन दने धुन सन्ध्यलं भरी' नं हालेगु न्ह्याकूगु खः ।

म्ये हालेधुंकाः कर्मचारीतय्त् नीति नियम व न्हिथं माःगु निर्देशन बीगु याइ ।



स्थानीय स्तरय् नेवाः राष्ट्रिय म्ये हालेगु याःगु पालिकाय् किपू नगरपालिकाय् हे न्हापांगु जगु दु ।

विवाह गर्न नगरौं हतार

जरुरी छ शिक्षा र संस्कार

बीस वर्ष पुगेपछि मात्र विवाह गरौं र गराऔं,
उमेर पुनु अधिको विवाह सामाजिक र
कानूनी अपराध हो ।
त्यस्तो अपराध गर्नेलाई जरिवाना र कैद सजाय दुवै
हुने कानूनी व्यवस्था छ ।



नेपाल सरकार
विज्ञापन बोर्ड